

道園學古錄

七







道園學古錄卷之二十五

雍虞集應制錄五

碑

大龍翔集慶寺碑

欽天統聖至德誠功大文孝皇帝自金陵入正天統建元天曆以金陵為集慶寺使傳旨行御史臺大夫阿思蘭海牙命以潛龍之舊作龍翔集慶寺云明年召中天竺住持禪師大訢於杭州授太中大夫主寺事設官隸之畫官為圖授吏部尚書王僧家奴任董其役斥廣其地為民居者悉出金購之土木瓦石丹堊金碧之需財自內出不涉經費工以傭給役弗違農有司率職尤工景從響應御史中丞趙世安承稟於內行御史中丞亦釋董阿忽都海牙相繼率其屬以益之吏敏於事民若不知材既具期以明年正月甲子之吉迺建立

焉其大殿曰大覺之殿後殿曰無量壽佛之殿居僧以致道者曰禪宗海會居其師以草道者曰傳法正宗之堂師弟子之誓發辨証者曰雷音之堂法寶之諸曰龍藏治食之處曰香積鼓鐘子宣金殼之委各有其所綜以垣廡闢以二門而佛普陞天人之象設纓床蓋座嚴飾之具華燈香樂之奉與凡所宜有皆精備以稱上意焉賜姑蘇腴田以飯其眾上在奎章閣親詔臣某製文勒石以誌之臣聞金陵之虛自秦時迄唐宋者嘗言有天子氣至藏金土中以填之其後若吳晉宋齊梁陳南唐之君長據以為都會然皆殂裂之餘僅克自保不足以當王氣之盛夫孰知江山盤踞之固天地藏閟之久積千餘年而有待於我

聖天子之興也不然何淵潛之來歛遠飛躍之自茲見諸預祥行事昭著之若此者乎夫太陽之升麗於天光輝熙赫高

深廣袤之區生成動植之類孰不受其煦熨而其次舍之所經知天者必仰推而志之天子以四海爲家莫非聖明之所_嘉臨鑒祚 帝運之所由起天人應合之機實在於此其可忽諧今 天子建極于中撫制萬國顧懷昔居勢隆望重非我佛世尊無量之福孰足以覘乎此也茲寺之成上以承祖宗之洪庥下以廣民庶之嘉惠 聖天子之至仁大慈垂示乎億萬斯年者於此可見矣嗚呼盛哉敢拜手稽首而述讚曰

明上天祚我皇國 聖祖神宗立我民極於昭 武皇懋建不績憲章脩明民用齊飭天下爲公 仁廟受策治極而安或敷彝則乃捲明哲是保是翼俾久而安弗遐以邀祝融效靈海若率載更相吉土此維與宅吉士維何建業舊邑龍依崇丘虎礪石昔有居者不称厥德惟我聖皇天命攸

油川寧於波田宜於鴉民用孝敬神介景福
帝命不渥師武臣力遂開明堂受天之曆廟而祖饗郊而神格治功告成
庶物蕃息江流湯濟經我南服中城有宮皇所肇迹惟時
父老載慕疇昔雲來日臨庶我心懌皇帝曰善予豈汝釋
維大覺尊寶相金色常以惠慈拯汝迷溺我即我宮作祠奕
奕照汝淨月汎汝甘澤汝見大雄如我來即馬寶蒙寶貝金
珠璧凡爲汝故我施母惜無筭無害是佛之域民庶稽首我不
知識我願天子聖壽萬億與佛同體住世有赤一誠報
因有永無斁

大承天護聖寺碑

惟皇上帝監觀萬方安啓聖神俾一遐邇時惟
大祖皇帝神武維揚作興帝業世有潛哲秉誠鑑之征粵
世祖皇帝建茲民極用輯大成既有九有戰兵自甲禮脩樂

宣神祇咸若敷一本以端統樹羣支以定分秩序有經萬世
永賴

成宗顯承法令較一我

武考受命撫軍歸纊麻服保育民物既庶既富豐草豫大如
日方中迨至延祐至治之間重熙累洽物大而盛茀虞儉王
間歎轂憲於是

欽天統聖至德誠功大文孝皇帝德合天人之助躬脩揖遜
之節武以勘定文以宣昭忠孝宰職殷應擴伏雨暘以時年
穀順成寶興於山海波不揚嘉靖寧一利澤長久頌聲交作
度越古今

列聖之仁恩神靈之景貺布濩旁達淮濱驛臻於斯時也有
欽福錫民之志焉固皇極之道也乃託諸制作之宏祠享之
盛于以表奉先之孝于以廣濟物之慈同仁之化不亦與天

地合德矣乎天曆二年歲在己巳春月皇帝若曰予承

宗廟之重君臨天下夙夜兢懼思所以上繫

祖宗下安民庶者不敢少置也矧予昔在冲幼

太皇太后躬保持而導迪之欲報之德亦不敢少忘也稽諸

佛氏之書孝莫重於報親慈莫廣於及物而吾佛之所以陰

相我國家者豈可量哉汝太禧宗禋使月魯不花中書平

章明理董阿大都留守張金界奴其爲朕度地以作梵刹稱

朕心焉四月上幸近郊觀於玉泉之陽謂侍臣曰曾岡複

嶺隱隆西北太湖之浸汪洋渟滯而東高蘿翠山在焉芳薄

扶輿固祇園之地也使太史眎之曰吉秋八月晦立隆祥總

管府以領之鑄銀爲印敍正三品以臣月魯不花領府事將

作臣阿麻昧爲達魯花赤國語達魯花赤官屬之長也臣金

界奴爲總管上曰建寺而不先正其名臣將因其地而稱

之其署題曰大承天護聖寺又曰寺所以嚴奉祀事而屢役
雜居則幾平瀆矣買旁近地得十頃有奇皆厚直以予之分
賜從臣俾爲休沐之邸侍祠而至則處焉且命其摠管府臣
相大田以買之度其歲入以爲僧食明年上受尊號改元
至順十月上命太師臣璵帖木兒率百官詣寺所告諸后
土之神始命大臣治木月命中書右丞臣撒迪爲隆祥
總管府達魯花赤蓋以首臣重其事也二年四月十六日
始作土功治佛殿基得古金銅之器於地中多事佛之儀物
實有密契者不寺之前殿寘釋迦然燈彌勒文殊金剛并二
大士之像後殿真五智如來之像西殿皮金書大藏經
像護法神王於西室護世天王於東室二閣在水中城東曰
圓通有觀音大士像西曰壽仁上所御也曰神御殿奉

大皇太后時容於中日有獻月有薦時有享器用金寶曰壽
禧殿 上齋宮也諸宿衛之舍畢具九月 上諭臣金界奴
曰朕之建寺非徼福以私朕躬也昔者國家有佛祠之建金
帛穀粟一出於國之經費受役戍徒則民與兵官府供億並
緣爲奸非朕意也今茲役也工庸其直物償其價勿使有司
因得以重困吾民臣金界奴頓首受 詔而退鳩工以集事
材木壁瓦丹漆設色必精必良其土宜交易得所稱事出傭
藝各奏能施無遺巧人樂效力若子趨父屬樞密儲政兩院
臣請以所領軍就役而給錢如民則軍士亦被惠矣從之凡
役軍四千三百人留守臣言寺有行宮 天子之所齋也嚴
重不敢襲請以所領匠將作而給錢如兩院之兵亦從之十
月十五日 上覽而悅之陞隆祥總管府爲隆祥使司秩從
二品命大禧宗禋使臣昇火兒不花臣撒迪臣阿麻璫大司

農臣金界奴爲之使他官與次俱升又作東別殿楠木別殿
丈室講堂東沙門之居會食之所碑亭并亭庵庫廡門垣
橋梁咸稱觀美凡規制皆圖以獻而 上親臨定焉 皇后
出大慶禮賜白金從戶部易鈔四萬疋及割田賦之在荆襄
者以資之三年寺大成於是召五臺山萬聖寺釋師惠印特
賜榮祿大夫司徒主教於寺有勅命臣祖常臣集臣法洪臣
惠印製文以刻諸碑臣等旣同奉 詔乃相與言曰惟昔有
國家者秘祝不私其身而思錫諸民史臣書之後世誦之今
聖皇之心一出仁孝瑣瑣之秘祝詎可擬倫哉且其爲役可
謂大矣財出內帑而不傷於外府役以傭錢而不勞於丘農
官有專任而不煩於有司欽惟

聖上怡神穆清對時育物量準天地而一日萬幾睿知明達
而慮周天下至若斯寺之落成也營度經始之勤治辦董正

之任考圖攻位之審其簡在帝心又有如此者豈非億萬世
宗社生靈之福哉敢再拜稽首而獻文曰
於恭 皇祖聖神立極歷世繼承昭臨維緯維我 聖皇孝
思如在視民如傷博施廣愛具曰大旌等慈能仁道善閔惡
以拯我人乃作大利于國西郊櫝屋輦翼霧雨之交金玉寶
物筭同河沙曰予有祈歛不謂多飛蓋樹幢香曼珠綱聖靈
與俱來即來享福我惠我遂我煦養子孫黎民均視同仰思
我太母為世遠思顧復之勤孫謀是貽肅肅徽音邈邈令儀
眷予瞻懷庶其來茲相彼流泉閣于水涘人神翊扶 天子
至上鼓鐘鼎彝嘉樂宴喜多壽多福又多男子羣臣百工侃
侃功民無勸勞府乃羨充樂石刻辭頌言雖艷億萬斯年
贊于皇風

河圖仙壇之碑

今上皇帝以特進上卿吳公全節年七十用其師故開府儀
同三司神德張真君故事命肖其像使宰執贊之識以明七
殿寶而寵之 賜宴於所居崇真萬壽宮近臣百官咸與大
合樂以饗盡日迺已既拜賜公坐于承慶之堂召門人弟子
而告之曰吾在髫齡志翔寥廓稍長學道弱冠從先師謁
世祖皇帝遂留不歸五十年間以 天子之命祀名山大川
東南西北轍迹咸至一遇泉石之勝輒旁皇而不可得而我
父母被寵光封鄉國高年偕老時 優詔使歸為壽而我曾
不能晨夕在側吾終身之不安者也今老矣為我圖地必吾
父母之塋是近庶體魄有所依焉則我之志也小子識之於
是命弟子歸餽而求之明年得地於安仁縣去饒國公之墓
左數百步其山曰河圖之山書以圖來人嘆曰吾昔聞諸異
人云河圖八卦也今人所傳河圖蓋五位相得而各有合之

圖也儒家頗駭其說然邵卦以指視先天位數吾得金吾之旨焉故宋江東謝公彷彿得其說而隱去

出祖力致之在道不食數十日而神氣益完迫授以官迺化去吾受其書而藏之今得山曰河圖告我之兆久矣迺命作石壇據風氣之會將以栖神焉則又歎曰予平生以泯然無間爲深恥每於國家政令之得失人才之當否生民之利害吉凶之先徵苟有可言者未嘗敢以外臣自詭而不盡心焉而恩賚之厚際遇之久則有非人力所能至者矣其從子集賢待制善繕知公之慧錄其平生之事畧已成編會善卒公得其書而感焉乃遺書江南以告集曰吾蚤歲猶得見國朝諸大臣及宋之遺老逮其中年公卿之重士大夫之賢且仁者無一人吾不見焉覽觀四方逝者如水知心之友其文可以傳者莫若清河元復初氏而云亡亦已久矣區區之

迹他日將何所托乎人生不可期相望數千里子必爲我著仙壇之記使千載之下猶或於此乎知之則亦故人之情也夫迺爲次第善之所錄以遺之云吳氏系出太伯爲吳子之國子孫散處吳楚間多以國爲氏其在番者爲番君番之吳皆宗番君矣其居安仁有龍坡居士諱岳者墓在桂溪前倉之曾源其高祖父也出居壽櫟山屋於礮石之上故宋咸淳己巳有泉出東楹之礮潤液之脉理直如貫繩上升梁間達乎西檻廻生靈芝光彩映日久而不壞是歲十一月七日公生丹光盈室生七月而能言其父抱膝上因坐假寐夢神人告之曰高仙托體君家塵中不能留也四歲能誦詩七歲其叔父教之日記千言十歲從其兄遊乎仙巖之下慨然有遺世之意十二學道信州路桂溪縣龍虎山太上清正一宮之達觀堂之尊師李君宗老嘗有異徵得公而應焉臨川有

雷空山先生者隱居種湖之上深明易老以其所學著為成書公往師焉他從學者莫之能及也李君避舍延至雷先生而公得以專受其業雖休沐不出每得新瓜果之屬必即以歸獻其親無有曠闊十六度爲道士於其傳系則居何君恩禁之次國朝初得江南嗣漢二十六代張天師宗演入朝張公留孫在行奉勅留禁近始賜名上賜其後位特進開府儀同三司玄教大宗師者也至元十四年作崇真宮以居之二十四年開府徵公至京師公辭其親別龍坡君之墓新墓田之舍以行是年得入見二十六年奉詔祠南嶽二十八年奉詔從開府徧祠嶽瀆諸山川二十九年賜崇真宮於山西公奉詔宣諭江浙行省三十一年成宗皇帝自朔方還纂大統公從開府率其屬北迎召見賜公古珊瑚玉蟠螭之環一有旨設醮于上都壽寧宮五晝夜

公專王章奏特勅命公每歲侍從幸所司給廬帳車馬衣服廩餉著為令元貞元年制授公冲素崇道法師南嶽提點二年奉詔祠中嶽淮瀆南嶽南海大德元年奉詔祠石山西嶽河瀆江瀆一年制授冲素崇道玄德法師大都崇真萬壽宮提點三年大上清正一宮災公奉旨與近侍馳驛命江浙省臣更作之公請與官之人各以私財佐有司之不及四年命有司作三清殿及觀門廊廡于崇真宮設醮慶成上齋而臨幸賜開府及公黃金白金重幣有差五年公奉旨召嗣漢二十八代張天師與材過揚州爲守臣禱旱雨至京師爲荅刺罕丞相哈刺哈孫王禱旱又兩八年公父母年皆七十奉旨降御香于江南諸名山賜對衣尚尊爲其親壽于齊老之堂九年作崇真觀于安仁縣賜名曰萬壽崇真觀十年制授公江淮荆襄等處道教都提

點十一年

武宗皇帝自朔方歸纂大統 制授公玄教嗣師總攝江淮
荆襄等處道教都提點崇文弘道玄德真人鑄銀爲印曰玄
教嗣師之印視二品封其父克已翰林學士中順大夫至大
元年以歲歉禁民間酒特勑光祿寺日有賜尊 上賜公
七寶金冠織金文之衣爲朝真之服

仁宗皇帝在東宮所賜冠與衣貴重華異如上所賜公

從

駕至中都中秋 錫宴 上顧其貂裘弊改賜黑貂三

百以爲衣縷金文之錦以爲祿一年制授公弟子夏文淵元
成文正中和真人江淮荆襄等處道教都提點賜銀印視二
品二年公奉聖旨設醮于龍虎閣皂句曲三山 制贈公大
父鑑昭文館大學士資善大夫追封饒國公謚文清祖妣陳
氏封饒國夫人父翰林學士克已加授榮祿大夫大司徒饒

國公母舒氏饒國太夫人仍賜對衣上尊有旨命公奉
贊書歸鄉祭其親因命設醮于安仁縣之崇真觀以慶成皇
慶元年

仁宗皇帝命設大醮于大都南城長春宮只奉 旨投金龍
玉簡于嵩山濟瀆是年 勅翰林學士元明善脩龍虎山志
者序進入改賜崇真觀額爲崇文官延祐元年公奉 旨設
醮于龍虎閣皂句曲三山因請歸慶其父母八十之壽對衣
尚尊之賜如初是年傳 旨江浙行省促公還 朝 制授
公弟子毛穎達正德弘仁靜一真人嗣掌道甲之祠事 賜
銀印視二品四年有旨名其鄉曰榮祿鄉里曰具慶里降璽
書護其家六年饒國公之計至上京集賢以聞 勅翰林侍
讀學士元明善著碑文翰林學士承 旨趙孟頫書字 太
子詹事郭貫篆額給傳奔喪十一月太夫人歿十二月葬父

母于其縣崇德鄉之山田作明成觀以奉祀明年召還京師

英宗皇帝至治元年十二月開府張公觀化于大都崇

真宮上聞有旨歸其喪於龍虎山百官送諸東門外所

過有司治辦舟車祭遣公請歸職喪不許命弟子崇玄冲道

明復真人陳日新薛玄義奉喪還二年制授公特進上卿

玄教大宗師崇文弘道玄德廣化真人總攝江淮荆襄等處

道教知集賢院道教事玄教大宗師二章一品銀印一總

攝道教事二品銀印一并授之勅省臺百司諭以俾崇之事而大護其教用開府之志作東嶽仁聖宮於齊化門外重

脩太一延福宮三年太上清宮又災公率其屬更作之泰定

元年春長春掌教真人闕上用公薦以沐梁朝元宮孫公

復道主之二年公奉旨設大醮于長春宮又設大醮于崇

真宮護教之詔如故事制贈饒國公光祿大夫大司徒謚

大醮于崇真宮元統元年

詔留公三年有旨設普天大醮于長春宮又設

大醮于崇真宮元統元年

今上皇帝即位護教之詔如故事仍改至元之元年京師

旱公奉勅禱之兩冬無雪公奉勅禱之雪二年公重建

饒州芝山文惠觀於永平門外遷番君之神以居之四年與

神德宮明成觀皆被璽書之賜五年畿內田有蟲孽執政

文康二年奉旨設醮于龍虎開皇甸曲三山奉勅葬開

府張公于南山之月嶠作仁靖觀以奉祀四年改造開府所

建溪山真慶宮天曆改元冬公還自上京明年北迎

明宗皇帝謁見之次賜對衣上尊及歸天曆護教之詔如

故事追封故開府張公曰神德真君勅改仁靖觀為神德宮

至順二年公進宋儒陸文安公九淵語錄世罕知陸氏之學

是以進之有旨設醮于長春宮公告老請以弟子夏文深

嗣玄教詔留公三年有旨設普天大醮于長春宮又設

大醮于崇真宮元統元年

今上皇帝即位護教之詔如故事仍改至元之元年京師

旱公奉勅禱之兩冬無雪公奉勅禱之雪二年公重建

饒州芝山文惠觀於永平門外遷番君之神以居之四年與

請公禱之三日盡除而仙壇之成則在六年矣。皇元初有中原五嶽之四在天子封內既得宋而後南嶽之神得而禮焉是以

世祖特命開府張公領其祠至是屬諸公矣長沙有故宋相趙信公墓之子淇博學多識尤好神仙金丹之事有宣春李先生簡易者故玉溪李覩諾孫遇異人得丹道蓋以為遇劉海蟾而得之淇每師問焉未盡其旨而李先生化去後遇之玉山道中始得其說既內附命為湖南宣慰使輒欲棄官行其道憂患多故不能如其志公為

天子使南嶽道過長沙趙公見而敬焉曰神氣冲爽而有福德可以受吾道廻焚香密室出其書以授之則皆海蟾玉溪之秘云

世祖嘗曰天子當禮五嶽而朕年高不能往每遣近臣忠

信而識察者分道祠嶽瀆后土戒之曰神明之使馬不至喘汗則善矣蓋歸而問其所聞見人物道里風俗美惡歲事豐凶州縣得失莫不參伍以周知疎遠之迹焉公之連歲被命而出每辭以爲臣不足以當大事之重上曰敬慎通敏誰如卿者遂行他日

成宗遣獻瀆使還顧問如

世祖故事曰卿過郡縣有善治民者卒對曰臣過洛陽太守盧摯平易無爲而民以安靖上曰吾憶其人即日召拜集賢學士公使過浙西時故翰林學士閻公復爲按察使老成文學譽望甚重公時才踰弱冠議論明正閻公客之不敢忽也後閻公居翰林益加重焉

成宗既崩

仁宗皇帝在懷孟未至而閻公典詔令有狂士危言以許閻

公事用測公力言諸李韓八公孟

仁宗意解及

武皇即位遂以平章政事歸老高唐如

出祖侍王鹿菴磐故事朝廷得敬大臣之體不以口語傷賢者則公深有以維持之也故翰林學士吳公登始用董忠宣公士選薦於朝自布衣拜翰林應奉召至不拜去後又召為國子監丞升司業與時宰論不合又去公啓於集賢貴人曰吳先生大儒天下士聽其去非朝廷美事集賢貴人聽公言超奏吳公爲直學士吳公雖不赴而天下贊之至元大德之間重熙累洽大臣故老心腹之臣莫不與開府有深契焉至於學問典故從容裨補有人所不能知而外庭之君子巍冠襯衣以論唐虞之治無南北皆主於公矣若何公榮祖張公思立王公毅高公昉賈公鈞郝公景文李公孟趙公

出延曹公鼎新敬公儀王公約王公士渾韓公從益諸執政多所諮詢閻公復姚公燦盧公摯王公構陳公儀劉公敏中高公克恭程公鉅夫趙公孟頫張公伯純郭公貴元公明善袁公桷鄧公文原張公養浩李公道源商公琦費公元彬王公都中諸君子雅相友善交游之賢蓋不得盡紀也夢引善良惟恐不又憂患零落惟恐不盡其推轂之力至於死生患難經理喪具不以恩怨異心則尤公之所長也公博覽群書偏察群藝而於道德性命之要粹如也嘗作環樞之堂畫先天諸圖于壁以玩心神明有詩曰要知顏子如愚廸正是羲皇未畫前其所造蓋如此故其述作光明痛快足以見太平之盛而深存忠厚於人倫有所感發自幼至老尤好吟詠皆出其天性之自然而非有所勉強尤識為政大體是以開府每與廷臣議論及奏對上前及於儒者之事必曰臣留孫之

弟子吳全節深知儒學可備顧問是以

武宗 七宗之世嘗欲使返初服而置諸輔弼焉道家醮設之事是其職掌故於科教之方無所遺闢香火之費無所簡吝然而朝廷耗費過重則每曰事天以實不以文弭災在於脩德而禱祈特其一事尔全真之教叙其祖傳有所謂玄風慶會錄者大德中嘗使人譯之而莫達其意有旨命公論定公曰丘真人之所以告

太祖皇帝者其大槩不過以取天下之要在乎不殺治天下之要在乎任賢脩身之要在乎清心寡欲煉神致虛則與天地相為長久矣譯者如其言奏之上大感悅不惟丘公之心事明白而

太祖皇帝聖學之淵微亦從可窺其萬一是以君子深有慨於公之言也公之執親喪也自奔喪至家水漿饅粥僅足以

延息涕泗滂沱繼以血衄喪葬之後力之所得爲者無不盡其力焉山田之城伐石江濱山爲洞穴掘泉下鑽深廣高厚葬之自郡守王公都中親助喪事送葬者連數郡車馬畢至時方寒雨淖淖載途一夕北風結凍堅冰在地行者無苦人以爲孝思所感也明成觀有著存闇者以致其嚴祀之意方外之士感其孝思知慎其親之存歿自此始矣其事開府也先意承志周思廣慮所以事朝廷尚道教無絲毫有所違拂開府泰然委之而不疑確然信之而不惑所以能有立於聖出者非惟運數則然而其誠心相孚亦有以致之也其葬開府於南山也既信撫三郡守將以其官屬會葬江南諸名山之主者皆來致事伐石題名而退擇卜之慎營繕之勞工力之博賓客之盛東南數十年間未有能彷彿其萬一者公之盡力於其師與所以奉其親無二矣又之作南山諸詩沉

贊哀慕識者讀而感焉東南道教之事大體已定於開府之世而艱難險阻不無時見於所遭裨補扶持彌縫其闕使夫羽衣黃冠之士得安其食飲於山林之間而不知公之心力之罄多矣公之宗系別居於達觀堂者尊顯獨隆於他支封真人者凡數十人奉被

聖書主宮觀者尤不可勝紀其姓名別有述公平生畫像之贊及大父母父母與其身之所奉被贊書及諸堂室記頌皆一時名筆別類爲書曰天爵堂類編并其所爲詩文曰看雲錄者通若干卷集賢直學士揭溪斯奉旨作序以傳于世皇上即位之初親御翰墨書閣閣看雲四大字題曰賜吳上卿識以明仁殿寶勅御史中丞馬祖常太常歐陽玄爲之贊至元六年九月初一日大駕自上京還次懷來燕坐幄殿集賢大學士不啻失利等以上卿之言入奏曰御書四大字

臣全節既刻諸樂石又模勒于文梓爲四鉢榜塗以黃金周以雲龍之飾以其二賜崇文宮閣而度之請錫名曰龍章寶閣又以其賜達觀堂先朝嘗賜玉璞命改玉之工擬太上說經之像刻數年而後成請以歸之達觀閣而祠之請錫名曰玉像之閣而御書二榜揭諸其上矣有勅命臣某爲之記而文惠觀河圖仙壇并命臣某銘之臣某先已記仙壇之記如右謹再拜稽首奉詔而爲之著銘曰

巍乎茲山厥名河圖地闢天開孰先始初則圖示卦庶聖歷述山藏無間傳者周易易老之通同原殊宗或隱或彰闕在道宮有崇舟丘櫛壇是作玄契夙符龜策從若門人第字作之三年天子致問有貢其園清靜經理啓自神德維帝外臣歷出無數在今宗師有爲有文孝親敬師致忠於君寵光道家冠代邁古白髮蒼顏長侍帝所遺老故臣沛然從游紀德

論交金石不渝量弘智周用世何有却而不居有相其道天
子聖明昭惠老成龍章鳳書玉質金聲有懷故鄉有棟有宇
神明攸居山木翬舉盛德孔容象其粹冲韋嚴敬共以報顯
融有嘉豐草吻吻鳴鹿天降甘露灌濯神穀維昔廣成宅乎
空同千歲不衰穆其清風肅肅吾壇圓方平直竒耦參兩俯
仰有則脩名度方天子命之刻詞孔貞來者敬之

靈惠沖虛通妙真君王侍宸記

至順三年夏葬安縣尹蒲君汝霖以書來告曰在延祐庚申汝
霖同知南豐州事六月州境大旱禱諸山川弗應州人言有侍
宸王君祠在神龜岡所謂妙靈觀去州數里侍宸宋徽宗時歸
而沒於其鄉其神至今有靈異蓋禱諸汝霖以雨爲已任輒往
禱焉既得卜乞靈水於缶登舟以還有蜿蜒淳水而來者紅光
赫然雲氣隨之州吏以器迎之即就器蟠不動及州門雨垂降
至公署而大作是歲稔明年又旱吏民以汝霖前禱之應也謾
汝霖仍往其應如去歲二又稔於是歲州之父老來告曰侍宸之
恩不可不報生有道術著於時歿又惠澤及其民宜白朝廷
有以表異之南豐下州也而不統于郡得專達行省乃以侍宸
封冲虛通妙真人宜加賜靈惠易真人曰真君是時有臨川道

士唐樂真以法術承應

內廷是年以侍宸教法禱雨京師有

應集賢院亦上其事故

朝廷知之而得封甚速也

命既下

而汝霖亨製錦於樂安去南豐三百里而近增封之

命至斯

所以後上賜而係民心猶汝霖之貴也

公在太史幸為書其事於石汝霖以鄉人請私焉

按臨川旴江志宣和間有南豐人

王文卿字子道號冲和子生有異質嘗為詩告其父有方外之

志父歿辭母遠遊渡楊子江既濟行野澤中雨暝迷路見若有

燈火者就之有老嫗為逆旅者得文書數卷尋火讀之雨霽火

絕天且明乃在大樹下無逆旅也其書蓋致雷電役鬼神之說

云以是濟人甚衆名聞江湖間當是時徽宗崇尚道教嘗夢得

神人以形求之得侍宸焉賜見大稱旨拜大素大夫凝神殿校

籍其官道君別置道教宮也大夫校籍位已尊矣賜其父承事

郎封其母曰宜人京城有孤為妖人為立孤王廟壁津沈又有

妖蓋黑鯉也奉詔勑之狐鯉皆雷擊死將有事於明堂而雨不止君禱之立霽有詔降太尉拜金門羽客自校籍升侍宸賜號冲

虛通妙先生淮南北以無零告上憂麥以告侍宸遂大雪麥熟

賜金帛不受盜起山東徒黨號巨萬郡縣不能制聲勢甚盛

見便殿上以為言對曰當以神力助討他日獻捷者言天大雷

電賊乃潰而道君遂歸功於侍宸矣而侍宸實預知天數數二

以脩政煉兵為請不暇聽其說乞身歸田里求去不得一日拂

袖陞還南豐未幾宋南渡紹興二十二年八月二十三日寫酒食召鄉里飲別書頃翛然而逝既殮至棺而葬之甚輕蓋戶解

云神龜固其墓也其靈異之事相傳不絕侍宸沒而能福其鄉

之民蒲君去他官不忘其舊民嘗受侍宸之賜其仁惠皆可錄

故書之使邦人有所考焉予既為前南豐庠蜀人蒲汝霖著侍

宸王真君碑後六年為至元庚辰十月上清外史薛玄卿以書

來告曰有番易胡道玄先生人間所謂神霄野客者也得侍宸
之直傳年二十餘道行閩陝荆襄江漢淮海閩浙之間當己巳
庚午之旱旬日之中郡縣爭致之所歷或一日或二日嘻笑怒
罵雷雨隨至官吏畏而民愛之環四五千里之間所至無不應
者至於妖怪之作効治如法人以爲神遇異人於武當大頂天
柱峯得修仙之道徧游名山洞府而歸江東西之間從蓬頭金
公遊甚相契許他人莫之測也於是取歎神異之迹將求名地
以歸隱是以謁浮丘君於華蓋之上道過黃華之岡故使予得
見焉既見則寫余言曰神龜岡碑所載事有未備者請述之云
若侍宸自南豐辭親而至楊子也所遇而得書者火師也火師
者蓋上古神人而世傳爲汪氏子華者蓋其化現爾其囑侍宸
之言有曰吾身一天地天地一陰陽握其機者在我而已子當
以是應玄徵佐明主吾待予於神霄之上矣侍宸退而修諸其

鄉軍峯之陽所坐磐石猶在及事道君皇帝位至侍宸道官之
尊貴與文官侍從等其後又遷中虛大夫賜金方符使叩以入
禁衛加贈其父曰承議郎母曰令人宮中人多病者上以問侍
宸侍宸曰此有物怪爾當効之坐未退天忽晦冥雷電交作頃
之霽一白龜甚大震死矣病者皆起揚州守臣以旱告禱雨不
應道君以問侍宸對曰下民多罪上帝震怒水不可得道君
強之侍宸曰無已惟黄河水可借二尺耳數日揚州使至奏得
雨皆泥潦計其時乃奏對之日也侍宸既以國亡妖孽爲奏不
見聽而還上思之畫其像而親爲之贊旣居鄉二里無水旱疫
癘妖怪之事千百里間雖亂離而帖然高宗定都江南將二十
餘年聞侍宸猶在命守臣物色之有詔曰勅王文卿先朝高士
退隱林泉枕石漱流多歷年載兵戈之後杳不聞音朕甚思之
其出山一來以副虛佞性又敕守臣以禮津發辭以老病不復至

闕使人畫其像以進亦親題贊出人多傳之歿既久侍宸之從孫以貧從商人入蜀親見侍宸於道中弗識也執手江當多所傳授曰明日渡江其觀中可相尋也明日至其觀悄然無人一高堂中有畫像則侍宸之祠也始知其所遇傳授者乃其大父也又明日又遇之以幅紙與之曰此孫至家上官甥以吾書尽授之妙濟歸告上官上官弗信出其書視之上官識其手蹟號慟作地盡以教之際遇寧宗朝法亦大顯賜號妙濟先生名嗣文蓋妙濟初年不甚識字嗣文亦侍宸江濱所命也又有薩守堅者亦酷好道見侍宸於責城山而盡得神秘游東南禱祈効治其神恆有過於侍宸者游江西入閩過神龜岡乃知侍宸為數十年前人云昔侍宸在汴京居宮觀見為黃冠者多詣事權貴以自銜惡之故多不得其說其在鄉既老而得其傳者則新城高子羽授之臨江徐次奉以次至金溪董天錫其後得其傳

而最顯者曰臨川譚悟真云人不敢稱其名但謂之譚五雷內附後譚君猶在浮沉人間隱顯莫測廬陵有羅虛舟者故宋時名士澗谷先生之諸孫也得五雷之傳甚有符契然譚君謂侍宸之戒曰每傳不過一二人若廣傳之則速死是以羅之弟子雖多而自以為得之者惟蕭主簿雨軒其後則有周司令立禮兩人而已周與予有姻聯然終日言之未嘗及此蕭君清文雅李中羅憂患然甚通至理泊然無所累其心平敬愛之而亦未嘗言及之也周之說惟授之其子游其門者或得或不得予不知也蕭君儒者擇人至謹而人亦不知其有此道獨傳之道玄胡君一人而已神異之事已見於前其客於予者頃分三髻一劍自隨練衣短裙危坐終日風雪極寒之夜燈火不繼而溫煦滿室目神炯然神觀洞徹縱橫自在物外無拘而剛介不可犯也此亦真修仙者平有侍宸手書詩一首蓋譚羅相傳之符契

也且曰吾將隱矣當求人而付之必也戒行若冰霜立志如鐵
石曾次如水月氣象如陽春又雖生尊貴之家而出有陰德孝
平清靜之門而身有福力者則以授之果爾其亦難得也哉雍

虞集記

道園學古錄卷之二十五

道園學古錄卷之二十六

應制錄
雍虞集

供醮文
水陸會功德山

我國家

聖三相承深仁厚澤浹於人心累洽重熙多歷年所

今上皇帝清哲文明纂承大業好生之德已洋溢於萬方泰

己之誠思貫通乎上下海涵春育無間幽明雨順風調大同

遠迩

聖恩盛大茂以加矣而萬幾之密猶垂念於隱微

九有之師或未該乎冥邈勝脩法會式穿淵衷乃脩水陸冥

陽大齋于萬壽寺自二月一日啓建七日滿散乘法寶之威

光成金心之願力耀蓋香華種二妙饌齋儀梵唱一一圓成

凡我佛子昔自多生歷酬定業或以刀兵水火或以疾難飢

荒沈迷五濁之惡塗未返一真之本性遇良因於今日得勝
妙之現前涓鑑並獲於清源苦惱悉超於極樂來生佛土祇
奉明時回向菩提增崇

聖壽臣等迺稽首而作偈曰

聖上蓮大慈憫諸有情等作此大勝會供養佛法僧勇識妙
達華諸大阿羅漢畢支迦五明金剛大威德護法諸龍天九
在虛空界敬禮等無二開闢諸方隅光明悉照耀迺至諸明
哲往昔善持世四生及六道凡在苦趣者悉皆承佛力來赴
於道場心花得發明諸識轉為智一切現苦業消滅無復續
魏二大功德皆由聖心起我聞昔有人積寶如須彌持施
得福多恒河沙難喻我皇勝妙因福報不思議視彼施寶者
千萬不及一我等佛子衆各牛轍愧感稽首贊吾
皇聖壽千萬歲與佛共悠久

水陸會緣起文

原夫一靈圓妙本不昧於昏迷歷劫無明遂有淪於流轉我
佛興大憫念開方便門譬彼宵征遠道冥行荆棘之林我以
慧炬照之則前進無殊於白晝又如往濟大川忽遇風濤之
險我以慈航渡之則安行無異於陸途施平等於無方悉
據度嗟幽沉之有苦尤切哀矜於是目連感定業而生悲觀
音化面燃而啓教十方諸佛共弘應供之名六道四生亦攝
菩提之海大士仰承於佛勅道場肇建於當年孤峯接雲海
之空明白日映江潭之澄澈神靈交會凡聖混融分八位上
下之殊作萬劫圓通之施傳流既久證驗尤多我
今上皇帝與佛同心如天之覆念生成之類已在於鈞陶而
冥邈之蹤尚迷於出沒迺鑒人天之意大脩水陸之儀爰命
國師俾提法要迺以三月一日於大都萬壽寺脩建水陸無

遮法會七晝夜上資善逝之恩光下拯孤冤之陰昧香積普
熏於世界盡斷惡緣妙蓮應現於池中悉離苦網咸來佛會
共沐帝恩消達極樂之鄉不墮輪迴之境共報聖明君

乃說偈以贊曰

一切衆生皆具佛性如摩尼珠五色隨映如何累劫業識相
因無明展轉生死根塵我佛慈悲施方便力如大醫王救彼
痼疾餓者令飽渴者與漿幽闇與明熱惱與涼况爾六道諸
苦隨業不藉佛恩何由自潔聖皇在上運大仁心樹福慧
幢立功德林作此道場期七晝夜平等無碍均一高下光明
圓滿如佛現前孤幽沉冤懼喜慶筵如是勝因增崇聖壽億
千萬年堅固悠久

建國醮建壇青詞

荷天洪休膺國大統肇惟元祀奉若明禋殊庭修秘祝之嚴

肅拜候景光之集伏願環紫壇之納陞闢黃道於巖霄天極
旋樞日星炳曜右祇薦祉川岳聞珎用期泰定之民均被豐
成之賜

朝詞

聖祚在躬肇啓乾元之歲道宮修禮不昭荅貺之誠禱以再
三鑒茲精一伏願乾元統御坤道順承時對春陽導本支之
鬯達紀增神策保宗社之尊安遂以生成均陶動植

二清

荷天地之供休晉承繼厚奉祖宗之成憲思究彌綸期敬達
於丹誠惟謹資於玄教肅將蠲潔用極依歸伏願慶衍中朝
仁儲大本休明佑啓百神受戒以安寧福祚延供萬世奉天
而長久

昊天

入膺不緒有命自天載省眇躬無疆惟恤啓淵衷之至實感
真貺於太虛伏念比萬盛時俄慨堅冰之辭永懷讓德不忘
曠日之初心迺正誼以廓清期與民而寧一用發憂兢之慮
悉經對越之恭伏願乾御陽剛坤成地道祖宗陟降同佑
於高明家國治平丕顯承寧於悠父

后土

集基命於眇冲始建初元之紀覽幅員之廣袤益思大業之
興極若寶圖誕敷金鑄伏願玄功有造至德無爲道致謹於
順承協成泰定物資生於厚載保合乾剛

熙星祝文

太陽

赫二太陽秉陽之精照臨天下達我皇明克循克軌求底隆平
太歲

翼二倉龍集于巽維紀綱百神運行四時相我君道壽我邦祺
歲后

於赫歲陽配于陰宮承于大君內治之宗以生以成登我歲功

金星

奕二長庚煌二啓明主我兵事宜順其經弗僭弗忒邦家以寧
太陰

明二太陰配陽麗天主國之刑勿忒其疆以順以寧子以永年

室宿

惟乾之維是爲營臺炳耀定中景命有翊廣開天門相我無極
天剛

歲德所紀主病有符視其祿祥傍射在隅於赫景命靈其杖除
病符

龍角在田帝車所持聖人之生次舍在斯攝提殺星萬壽是基

大耗

歲有禍神耗之大者集于乾隅衝照辰舍乃謹祓除勿害純嘏

土星

煌一鎮星位于中宮行地無疆承天之功用集嘉福懿範是崇

鶻首之舍月后所臨東井洋二景耀昭森扶我元懿萬福來歆

小吉

左挾丁符右接坤隅孰敢啓門當我吉居祈祐不祥以寧皇輿

金星

太白之精其神孔武憶我南西孰祐孰禦宜歛其芒勿間多祐

九月十四日高昌王大夫傳

旨作醮星文

元辰天正

於惟聖皇受命于天斗車提綱龍見天田萬物振羨威信是
宣以介景福樂只萬年

羅睺

赫一有威惟天之首日月之行交道豐蔀烜煌照臨景命先
復克相有道大子萬壽

室宿

熒一營室天之玄宮以藏以息肅二離一乃瞻元台惟茲是
從錫福未央如意定方中

小吉元辰

位南以西爰即于坤東井洋二有溉其源肅一中宮景命在
垣元吉之福既昌以蕃

太陽

赫一太陽曰躋于乾順德維坤承暉弗愆昭光播和若春在

贊萬福來臨興天齊年

參宿

載瞻參墟明星煌二乃占其書孝謹忠良肅二中宮景命溥
將𠙴于聖明既壽永昌

太充元辰

有嚴太衡維震之宮青陽載熙木德乃通時維聖子景命是
逢導之太和被之仁風

太陽

日之行天至尊以光誰其承之維青之陽輝二煌二繼照四
方星輝月輪永保無疆

斗宿

斗為天機日月耀芒酌量政事褒進賢良於維聖子元台是
當錫福自天欣二樂康

太陽

東望扶桑赫乎九芒下啟萬物麗天爲章東賓西饑靡朝敢
忘錫我景福於昭輝煌

太白

肅將金行司天之刑順軌出入厥有常經掠於軒轅占者以
告敬恭用營景福來報

軒轅

繫二軒轅黃龍之體屬于內廷占者所紀長庚來于兆順之
軌載榮載禳轉作多祉

太陰

占家于坎受陽以光配於大明流輝四方天清地寧軌道有
常介我景福萬壽無疆

太歲

歲維昭陽辰在協洽神君所臨萬靈來會景祚奉德秉
法我將我享嘉佑斯答

白虎

於菟耽二爲允之神爲素爲刑莫之敢嬰迎祭于西爲禮孔
殷神其食之介福來臻

太耗

滿庭之過神則害予從而虛之孰可賴予占歲之行厥有恒
所尚易其畜豐我多報

迎神

肅三靈臺三光下臨百酒牲牢嘉幣吉金肅將祀事罔敢不
欽赫二洋二神其來歆

送神

靈臺有享神具來格其祥如雲其近如日嘉禮告成景旣秩

秩相我寶祚於萬千億

醮星祝文

迎神

肅二清臺一曆象是司維一有神維土有祇爰繫牲幣以禱以
祈歲祀奉迎靈其鑒之

太陽

出乎賜谷升乎搏桑麗乎中天照臨下方愛而燠煦畏而蒼
涼戚既有禱降福穰二

太歲

煌二明堂歲君攸居位于鵞首殿乎坤闢東井洋洋土德之
基錫我嘉福順我禱祈

歲后

歲德至尊歲后配之黃裳元吉象服是宜理其內教以佐無

爲沁園有禱郤除病菑

勝光

陰之始生實自於午於卦爲姤柔順斯主皇有懿威元履麗
焉是用禱祠惠我安痊

土星

中黃正元維土之神二氣上騰煌二向晨元辰有宮其光來
燭鑒子臧邱悉茲多福

婁宿

維主之生誕彌其月朔其元胎在魁之揭其宿維婁光耀燁
燁除我疾疾安康母越

病符

六氣不齊庶疾乃生維其司之有神孔明執其靈符以佐歲
行禱以嘉薦惠我安寧

金神

五行之中金主肅殺有神孔威司是嚴伐歲行遇之伊怒孰
遏享我忱精母政凌越

灾殺

沴氣所生曰能致灾以殺爲名不亦暴哉和以嘉醻柔以嘉
脯順而好生永錫多祐

喪門

白馬素車人寔忌之孰啓其門有神蒞之上帝好生爾獨何
爲攝而惄心安我戚闈

五鬼

五氣之歸其名爲鬼紂而弗伸有繁厥類載以酒漿道以車
船旣享而除勿爲禍愆

青龍

星有角尾其象維龍蛇二蛇二東方之宮木德司春爲善爲仁永錫嘉祥百祿是臻

白虎

昴畢之上其象維虎有虓其武在西之滸金德是司爲義爲刑尚歛其威美疢用寧

送神

陽主于德陰主于刑刑歛德揚陟降在庭旣享旣歛以安以順神還應運福以時進

醮星祝文

迎神

欽若昊天觀象知微爰即靈臺秩祀惟謹大庖旣享大尊旣盈袖其格思來享克誠

太陽

東望扶桑赫蟻來升群陰旣伏萬國咸承朝賓暘谷彝礼斯在齋宮告誠綏祿萬載

太歲

煌二歲君臨於端門有烜朱方歲德攸存當離之明如日斯赫降爾嘉祥以輔有德

天罡

蒼龍之墟左爲天田神蟻應龍景命所躔斗爲帝車惟剛是指相我有道來錫繁祉

小吉

維鶴之首土德是毓是爲吉神厚德嘉福官壘嚴三景命所臨徽柔懿恭式薦其欽

功曹

寅爲人統其方折津肅二青宮口盛德惟仁燈二箕尾保我景

星有角尾其象維龍蛇二 蜻二 東方之宮木德司春爲善爲仁永錫嘉祥百祿是臻

白虎

昴畢之上其象維虎有虓其武在西之 洵金德是司爲義爲刑尚歛其威美疢用寧

送神

陽主于德陰主于刑刑歛德揚陟降在庭既享旣歛以安以順神還應運福以時進

醮星祝文

迎神

欽若昊天觀象知微爰即靈臺秩祀惟謹大庖旣享大尊旣盈袖其格思來享克誠

太陽

東望扶桑赫曦來升群陰旣伏萬國咸承朝賔暘谷彝礼斯在齋宮告誠綏祿萬載

太歲

煌二歲君臨於端門有烜朱方歲德攸存當離之明如日斯赫降爾嘉祥以輔有德

天罡

蒼龍之墟左爲天田神蛟應龍景命所躔斗爲帝車惟剛是指相我有道來錫繁祉

小吉

維鶉之首土德是毓是爲吉神厚德嘉福宮壘嚴二 景命所臨徽柔懿恭式薦其欽

功曹

寅爲人統其方折津肅二 青宮只盛德惟仁燈二 箕尾保我景

允爲白虎至雄至武其德爲金威怒孰禦白旂素車象德以
旌風其從之百祿是宜

送神

成象於天降靈於地國有令儀克致禱祀禱祀敬恭神歸匪
遲天子萬年福履綏之

金鑑益天大醮青詞

建齋詞

續休不圖恪奉 祖宗之訓尊迎景旣來綏家國之基興輯
福于眇躬暨息菑于中壺垂象每懷於示微祈年尤切於好
生伏願慶衍宸闈祚隆繼嗣乾和保合三光全而寒暑平坤
厚順寧五穀熟而民人育

祈嗣密表

祇荷鵠休肆膺神器念 祖宗之付托思民社之依歸重惟

繼嗣之階實繫本根之固敢嚴秘祝用格高穹伏願錫祚慶
圖申受上天之貺儲祥寶系益崇萬世之基

皇后保安密表

寅奉上穹申言中壺克相憂勤之念庶嬰疾疢之虞冀遵嘉
祥用綏福履伏願高晨鑒格正氣宣通天清地寧保大和而
合德家齊國治均厚福以資生

建壇詞

奉不基以臨萬國于今有年類上帝而徧群神肇修秘祝仰
輯薄天之慶俯將率土之誠紫壇森列於人文丹闕昭回於
象緯伏願天垂甘露地發醴泉靈風受職以周旋道氣成章
而鬯達永符至順孚佑 皇元

第一日旦

朝祭皇天

大后

士三界

萬靈

上資宗祧先

聖凝神冲漠垂祐邦家祝延饗筭保固不圖中閼

齊年本支繁衍

月律應時卦極正陽之盛天根開景氣升清日之初通靈闔
於雷風妙流行於山澤均承主宰咸赴禱祈伏願
聖祖神宗陟降洋二而在上皇天后土卑高秩二以分儀迺
發祐符用隆寶曆延齡維永尚期巍德之同錫羨有輝更應
多男之祝

午朝祭日月星宿祈日月齊明星辰順度

離爲日坎爲月瞻陰陽交易之機天應星地應潮察上下盈
虛之候儼宸居之伊迩望晷景之方中敷宣榮策之文朝步
琅霄之境伏願赫曦繼照煌二旁燭於萬方素曜並明肅三
順行於九道帝車臨制四序曦和雲漢爲章五緯咸若副此
乾乾之兢惕鋟子郁二之嘉祥

晚朝祭五嶽名山祈社稷尊安宗藩輯睦風俗醇

覩符瑞而告功升中斯在出雲雨而及物望秩收崇巖二民
庶之具瞻肅三天真之下治即秘祠而用幣及初夕以飛章
伏願方嶽奠封靈祇受職宗藩輯睦永綏磐石之安風俗清
淳長被喬雲之覆

第二日早朝祭聖帝明王先農后稷消穰水旱蟲

蝗祈五穀豐稔民物阜康

繼天立極置惟上帝之聖神開物導民實贊無爲之化育道
秉機緘之秘教興衣食之餘功叙九歌業隆萬世藉白茅而
明薦享素履於虛皇伏願無聲無臭以作孚鑒此小心之昭
事不識不知而順則寧符大德之好生民風馴致於雍熙國
祚誕膺於長久

午朝祭風雲雷雨祈風調雨順寒暑應時

鼓以雷霆潤以風雨弥綸功用之神求諸形體原諸性情主
宰玄元之造觀萬物散殊之迹知兩間旁薄之仁無爲而成
有相之道日麗端門之景雲開祕笈之科伏願天德潛符歲
功咸遂九農百穀無旱乾水溢之虞四海群生享安靜和平
之福庶釋憂於宵旰用和惠於春秋

晚朝祭四海四瀆祈山川定位海宇清寧

一元含氣乘風澤於洞虛百谷來王出淵泉於溥博首五行
而善利潤萬物以資生質殖用興并樟以濟稽古玄圭之錫
沈茲蒼璧之章伏願地平天成府修事洽玉書保運制衝瀆
之洪波寶稽宜年動肅盈之甘澤民安居於樂土國養德於
長源漸被所同旁薄無以

第三日早朝祭三洞四輔經錄傳教宗師祈百神
效職臣鄰忠孝國祚延長

太元結氣冥思浩劫之初妙有垂芒朝徹延康之上參贊化
工於物始傳流神寶於人間保昌運以長存握真符而不宰
將輯簡樸之福茂陳敷落之篇伏願乾曆開天坤珍闡地種
民在宥處言清靜之風景命溥將相協玄同之造忠言彙進
道德彌光

午朝祭左社右稷城隍社令祀典神祇祈民樂太平

平物無疵厲兵寢刑措彼厲潛銷

泰社之土五色重嘉穀之屢豐方澤之樂八成致幽祇之畢
出帝命作九圍之式神靈會萬國之封力扶王局之安審奉
璇霄之降伏願泰階昭晰坤道順寧物阜民康無疵厲札瘥
之害兵寢刑措皆生聚教養之時以至永年並依文造

晚朝祭九壘土皇幽陰主宰資度忠臣義士兵死
橫亡六道四生俱登道岸

禮樂鬼神信顯幽之一致生成變化知闔闢之無私即昭明
君萬之間布風雨霜露之教三光攸燭九夜斯煌伏願帝命
下招天陽來復玉枹犀甲禮余忠義之魂瓊簡羽章起厥幽
沈之趣羣類並躋於道岸泰和庶協於明時

散壇

五時列祠_二紫壇之燿火九宮飛步雍_二碧落之空歌備
成絳節之朝敷散瑪華之景玄科有誠至敬無文伏願陟降
在茲達玄黃之玉氣福祿來下生丹碧之芝英普與群生泰
承嘉惠

設醮詞

三清

奉承寶位對太上之顯光保佑眇躬鑿端衷而恍擣肅清璫
館修設金科伏願元氣綱緼真風舒幽室家祚胤膺福壽以

咸宜宗社臣民荷祐祥而均慶

玉帝

維天與祖宗既全畀付自身而家國兼有禱祈爰啓真科用
于洪造伏願鑒觀倣懼字佑眇冲保和宮靈之安錫羨本支
之盛至于臣庶共樂生成

星主

星環次舍仰瞻天極之尊氣幹陰陽妙宰帝車之運景光來
下祝用陳伏願司命紫微自中宮而錫福諸祥寶系率下
土以蒙休

天皇

坤拱神圖妙秉萬幾之會坐臨華蓋旁分六甲之司歲祀殊
庭承禧穹宇伏願抱極樞而環照皆占至順之祥奉天一以
尊居增授泰元之榮

后土

奉若柔祇配皇天而立極統臨廣寓吉土以升中爲國有
祈維靈斯蒼伏願群生成遂九有奠安祚已親祠綏保微音
之嗣黃流用裸無貽翼子之謀

至順二年十二月二十三日祭星常國公奉

旨命撰祝文

迎神

灝二圓穹三光昭明四方八維柔祇利貞靖通百禊歲事告
成犧草多儀來享克誠

天剛

天眷萬方篤生聖明受命溥將攝提建貞天田之上左角所
經蒼龍致福萬歲咸寧

羅旛

受天明命百靈翊扶旁燭有光赤熛之餘首乎天經形隱弗
舒戢爾弓戰迎祥帝居

室宿

河有天源木貴天根帝命降祉元台爲尊定之方中煌煌燁
淳推而祀之萬福之門

弔客

昊天成命如日斯照運行推移載占其小有客冠素適據隅
兆祝而祓之易號以笑

小吉

乾以天健坤以地厚鶴首之墟土德孔阜肅肅中官元命昭
祐六五黃裳元吉之繇

太陽

日以僕君月以僕后陰承陽輝禹福備有晨光嬉融晝爍

明以壽以安以生以成

參宿

參墟耀靈土德長生台息其和穆爲滋榮正位居體西南利貞培本長源萬福來成

金神

中宮土德位南之西太白流英挾威以躋雄毅肅嚴文敏利塵尚革而從降福孔皆

太衝

煜煜青陽震雷之門玉兔肖類羣龍儲恩帝胄天錫景命翊元東望孔祠扶桑載曜

太陽

肅肅紫微前星有輝上承天光仰接日儀煦煦爲春明明在時陽德粹純品物咸熾

斗宿

星回于紀斗臨漢潢璧合珠聯三辰齊光震夙元台肇此青陽司中有神源深流長

白虎

木性東榮金行允勝刑德之交史謹其徵於菟耽耽負隅若闕率義從仁祈報斯稱

病符

六氣之邪孰孰其契歲行神從臨午之位青陽占運邁與之值祝以移精安和允濟

太陽

靈臺有祀報本主日仰瞻陽光步我神曆歲周星回天序有秩牲幣敬共嘉惠申錫

太歲

日月次周成我歲功百神具來群蜡畢通明掌嚴嚴盛德容
容享我報祈以興嗣豐

青龍

龍有天德維木之仁天明生東獻歲發春時而消潛時而奮
申施惠自天至于庶民

歲后

赫若歲陽其配在陰以肅內治以保中臨丁女癸妃其從如
林通幽達微鑒德以歆

送神

神來如雲神惠如雨彌天映日惠澤周普歲行維新秩祀咸
舉相干皇明永作神主

黃籛溥天大醮清詞

建壇詞

歷念先朝帳神游之日遠言修秘祝奠靈氣之時升闢玄景
以通誠建紫壇而經始伏願懸珠空境扶玉方輿風馬雲車
順陰陽而陟降龍章鳳篆舉幽顯以釣陶

第一朝回薦皇朝宗廟

列聖神儀

肅肅在廟永懷弓劍之遺濯濯欣靈信若羹牆之見爰資神
筴用導英儀伏願列聖齊臨萬真環拱寅賓出自日返往駕
於中天妙合迴風發化機於厚地

第一朝回薦

孔牙篤皇帝

企仰山陵想音容而永慕顧瞻霑露感時序以增哀爰即紫
壇翼迴玄馭伏願天健其行而無息日窮于次而又新神氣
昭明式慰臣民之望景光旋復更貽胤祚之安

第三朝回薦皇親國戚一切靈儀

藩屏國家實屬本支之盛沈淪泉壤每傷幽顯之殊溯璇宇之流光迴銀潢之逝永伏願會陵絳闕受煉朱陵在河嶽在星辰還復生民之始

第四朝回薦后妃公主嬪御靈儀

永承不祚之隆

樟榆在御歷思儼極之尊車服充庭偏念禮華之盛慨生存之弗永致薦悼以惟勤伏願施德自天資生繇地性靈不昧釋然幽滯之懷運祚無疆仍會聖明之樂

第五朝普薦勲臣宰輔文武官僚

追懷神聖脩殷薦於曾霄爰念臣鄰於厚壤俾皆膺於金籙庶仍從於瓊輿伏願受日之光承天之佑圭璋濟濟

眠王國以並生明典昭昭秉民彝而不昧

第六朝普度兵刑橫死男女衆冤

內脩外攘免兵刑之用上征下暴更深泉壤之悲拯無告於重陰寔有資於大造伏願天光旁燭凡氣昭升斷者續死者生頓釋幽閑之故相病者愈憂者樂求為化固之新民

第七朝普度普天率土兆姓群生苦爽窮魂幽雲等衆

國家每念於生靈則脩治道體魄或淪於苦趣更轉化機啓勝會於今晨廊迷塗之宿業伏願陽開陰闔天施地生執錄把荷仰玉貞而得度葆和正性圓大化以長年

第八朝專爲和安天地調順陰陽保國寧家康民

阜物

存順沒寧極幽明而無憾往禪來續妙化育於不窮宣金錄之玄文保蘿圖之景運伏願乾坤毓德日月垂光列聖在天共敷恩於祚胤一人有慶永錫福於臣民

第九昭謝皇天后土岳瀆山川陰陽王宰

天佑邦家揔基圖於九有日臨海宇妙樞紐於群生仰三景
之高居鑿一忱而昭謝伏願降年有永錫福無疆凡在臣鄰
咸保忠貞之節庶幾民物常依道德之光

解壇詞

肅肅紫壇既備九朝之禮煌煌金鑑益增列聖之光熙事告
成誠心孚格伏願神隨天運福被坤輿瑞日祥雲常覆曾晉
之景太山磐石永隆禹世之基

設醮詞

三清

天眷基圖列聖繼守成之緒時因曆數先皇成獻代之期敢
緣追遠之初心普致闡幽之忱擣伏願開明三景敷落五文
九轉成真既備生神之妙百靈交鬯復還蒙帝之初仍錫壽

祺井祈康阜

玉帝

昔扣玄穹導近親之神識端臨素幄致大寶於嗣君乃陳祕
籙之科溥濟幽關之趣伏願昭宣天德旋復氣機陟降帝傍
九族逍遙於金闕經綸宇內群生成遂於縣圖申錫長年永
依妙道

后土

基圖肇固每資厚載之功體魄歸藏謹候昭升之氣降璇宮
而來享鑒金籙之敷宣伏願效法成能資生有道超神太極
齊日月於中天合景至陽綏子孫於下地

東極

先皇獸代因軫念於幽局上帝好生委禱祈於東極翼瑞光
之遠達引群識以俱超伏願甘露潤林慈雲就日丹輦寶蓋

並從妙道以高居玉曆金符求鎮生民之極樂

風伯祝文

東朝有命祇肅元壇上帝鑒臨萬靈率職咨爾風伯塵路惟
清戢暴扇和熙事用成急急如律令

雨師祝文

咨爾雨師灑道是司和陽散陰相成祝釐

皇后修設黃籙大齋齋意

言念宗親將薦誠於旣遠遷罹大故屬在疚之方深肆嗣皇
繼序之新申前日籲天之寶普超幽爽咸濟生靈伏願道妙
無方真游如在升九霄之神氣衍億載之昌圖凡固化工並

承德施

正薦位白文

言念先朝列聖帝室懿親蚤遺體魄於人間思導神明於

天上鼎湖弓墮俄興臣多悲舟闕禮成旣得基圖之托及
燕休於長樂申祈禱於太清惕然霜露之寒恍若風雲之會
龍儀虎衛陽光照灼於朱陵貝闕珠宮明水激揚於東井願
金支之並濯與玉氣以俱升穆穆乎秉德以肅雍洋洋乎在
帝之左右輯和九族驩娛還若於生存旋歷曹胥感契頗忘
於疑滯返至眞而無外與造化以爲徒况王政施仁必先無
告而大鈞播物何間有生更推滄海之餘波徧及幽闕之苦
趣妙機所運道化同超明則復爲人亦哉聖神之賜歛而錫
之福庶乎寬大之恩嘉與明時共躋壽域惟天地日月合德
合明保子孫黎民能安能久

孤魂榜

生死者晝夜之常汝勿認昭昭靈靈之誠坎離者乾坤之用
吾以開生生化化之基茲者清朝秉承慈極尊尊而思逮於

凡下親親而念及於幽遐尊揚列聖之法筵普惠重泉之苦趣如茲良會實號布達孤鶩等昔受天地之降衷其初皆善各累形氣而逐物以妄爲常貪者徇財烈者徇名忿則如山慾則如澤極沈淪而愈降恣飄蕩以忘歸因根接塵隨境生解爲寒冰爲湯火皆其一念之差爲鬼蜮爲豺狼遂入萬殊之變原其名數何可歷陳我是以廣太上之好生推妙嚴之濟衆酌黃華於東井蕩爾形骸耀丹冶於南宮陶其冥贊宿業不存於故想化機更造於新成不溺不焦尔可以見本真之不昧能流能焰爾可以驗道氣之常行承茲三景之開明即詣諸天而受度更無退轉並樂超升

正二門

華蓋北瞻天帝座蓬萊東擁道家山

啓玄殿

只尺天光開玉府萬重道氣見金容

正薦位

雙鳳駕雲開輦路群龍環日護天香

摶真殿

春當宵漢二台貴朝步星辰四輔尊

萬法宗壇門

綠章封奏通二景絳節趁朝引萬神

殿後西門

玉殿受釐春意滿竹宮拜既景星明

北斗殿

慶雲郁穆承天闕景緯昭回共斗樞

殿後東門

仙音縹渺鸞凰合神裔森嚴虎豹間

景曜殿

三光合景扶元氣五緯齊明報德星

寥陽殿

五文結篆間天極九氣生神象帝先

朱陵府

九華曲蓋迎司命七寶芳林主好生

齋厨

金鼎蟠龍甘露溢玉芝成象大庖盈

齋堂

報聞千歲蟠桃熟約取九霄飛佩來

艾郭

莫就此間存活計便教向上得光明

祭風伯文

維風有神在巽之位地附天而不墜持舉於中陽旋陰而時行扶搖直上今則至尊有禱上帝來臨伏願宣靈氣於八門穹祇翕合郤飛塵於九地于宇宙清

祭雨師文

恭承帝命祇祀雨師出雲氣於山川彌綸瓊闕灌天章於河漢飛洒玉都今則肇起玄壇導迎法駕伏願六龍調馭順和協於陰陽萬物潤滋肅澄清於天地

長春宮祈福保安齋意

上天眷佑長貽宗社之隆至道冲盈式衍邦家之福禹偶嬰於疾疚爰謹事於禱祈伏願聖鑒昭回祥光旁燭身逢康泰暨中壺以平安蓮協壽昌與多方而寧謐

青詞

治平之運仰荷洪庥疾疢之生敢忘忱禱爰命羽衣之士敬

敷寶笈之科伏願五帝歸華二光協德身康疆而逢吉有求
壽祺國清淨以無爲均蒙福惠

崇真宮祈福保安齋意

不承付託仰資天地之和祇有啞居偶感陰陽之冷喜遍臻
於康復羨謹致於禱祈伏願轉福上躬錫禧中壯削星炳爍
協家國之尊安景覲熙明及臣民而定壹神明垂祐不顯隆
平福履慈和偶嬰疾疢敬祠琳宇備歲琅科伏願景覲來臻
壽祺永錫康強逢吉 承宗社之安化育成功長乾坤之造

祭海神文

潮失故道犯我鹽官有司捍防民力旣憊閱歷歲時靡漬茲
害浙郡多下恐就淪敗民實何辜不德在予相臣來言交修
用乎乃勑中外悉智展力相爾有臣亦克受職我土旣固民
生底安六府治修報祀萬年

祭伍子胥文

爾以忠噴主廟于吳潮今爲灾吳其沼乎爾其揚靈具訓海
若俾安其常毋作民虐旣止旣安民遂有生爾作明神永有
令名

大龍翔集慶寺正殿小上梁文

伏以龍光有赫象教方興式嚴前殿之崇祇奉祇園之勝上
棟下宇方綰構於良工細補大業並具材於貞幹成規斯在
願力維弘伏願天相聖心佛加神運百重闌楯移來天上之
慈雲萬歲山河永鎮人間之福地

吾殿小上梁文

兜率化宮移來地上梵天新刹示現人閒坐延衆佛之臨殿
有四阿之制鉤心闢角先崇綰構之宜審面飭材已具經營
之素式觀地架儼若天成伏願龍象翊扶鳳皇翔繞丹青金

碧赫然佛日之輝黼黻文章永著 皇風之盛

大龍翔集慶寺正殿上梁文

伏以虎踞龍蟠即淵潛之佳地雲興霧滃建梵釋之新宮魏
巍中正之居赫赫大雄之座欽惟 欽天統聖至德誠功大
文孝皇帝惟天爲大如日之升經綸既正於洪規崇信不志
於願力美矣善矣大成舜帝之罰詔經之營之匪爲文王之
臺沼我佛有護國救民之助 吾皇示報功崇德之心黃金
滿布於祇園華構上移於梵率式崇大殿爰舉脩梁相我工
人陳茲善頌

拋梁東

日上扶桑散暭紅鹿苑珠璣涵曉露鐘山

拋梁西

草木動春風石城突兀護江堤舊遊曾見群龍舞望辛

猶聞六馬嘶

拋梁南

蒼龍曾此卧江潭風雲會合千峯一山谷
傳呼萬歲三

拋梁北

瞻望帝星臨萬國山川誰爲地東南形勢
只知天咫尺

拋梁上

白玉毫光千萬丈吾皇還似覺皇尊龍
象人天皆拱向

拋梁下

亦有綢緞千萬夏彌天法兩本無私滿月
明珠寧有價

伏願上梁之後

皇基鞏固紺宇尊高紀億萬年共祝

聖神之壽遍大千界同沾殊妙之恩萬歲萬歲萬歲

吾殿上梁文

伏以浴日九淵現預符於鐘阜承天八柱建名利於治城爰
開方廣之筵用祝周阿之殿欽惟

欽天統聖至德誠功大文孝皇帝清明有鑠故舊不遺鶯起
新河萬斛采舟之客與鳳歸天闕七重寶樹之檀樂凡輒跡
之所臨宜珠光之共護脩梁擎舉善頌斯陳

拋梁東

萬丈紅光接寶宮古佛昔來龍繞座高僧

時謁錫飛空

拋梁西

長安日近碧雲齊但依具闕瞻龍象即是

鸞輿慰耄倪

拋梁南

千年王氣現優雲洽龍池水皆功德擁日

山峯盡翠嵐

拋梁北

上意每憐江樹碧紺宮留鎮國南門華蓋

瞻依天北極

拋梁上

紫蓋紅雲春蕩漾舉頭見日庶民心思佛

恩君同一想

拋梁下

愁雲思雨均沾灑二年以至萬斯年長樂

昇平承福嘏

伏願上梁之後皇風遠播佛日同輝四字八荒總被覺慈
之化億萬載永歌帝力之加萬歲萬歲萬歲萬歲

道園學古錄卷之二十七

歸田藁

雍虞集伯生

東皋賦爲趙德莊作

出東郭以騁望得逶迤之方皋窈窕脩筠之舍盤桓嘉樹之
高秀野綠縕長渠翠濤界畦畛以分畫列藩籬平周遭況崇
蘭於舊畹薦幽澗之新毛鳶魚樂兮天光雲影之動湯虎豹
蔚兮山輝川媚之薰陶結幽居以靜好不窺園以爲遨或視
明星而弋鴈或饗朋酒而包羔其有棄敝屨於軒冕託遺響
於歌騷者乎吁嗟惟麟黍稷在畿眇故封兮江海張王孫兮
不歸載耘載耔載裳載衣忽十世其將遠挺三君而奮飛奉
賢書以造廷並榮名於常旂鸞翔鳳翥赫其有輝值炎精之
既淪遽歛翮於烹微於穆季俟知德者稀中田有廬兮種瓜

北山無蹊兮宋薇悄悄隱憂兮顧憮怨懨蓄金兮疇依慨膚士之不億懼俯仰之多違侃侃廣文特起無儔內有明賢之助外嬰憂患之酬二親高年一身百謀煦煦陽春英英涼秋屢重嘯於名郡常曳裾於諸侯觴詠不間於絲竹旨甘頻及於交游積累之勤百福是道婉婉子孫食德不渝嗟乎少時迎于名門揮弦飛鶴垂綸遊鯉老至不知車縣身存父草載露黯然銷魂訊故老於岑隅索履跡於崖根秀娟娟兮旣長鬢蒼蒼兮彌尊孰醉也於醉鄉樂舒嘯於丘園晨光粲其盈庭鶴鳴聞于九天黍稌既豐華實載繁俎豆衣冠古而又文東臯之人其昔之桃源也邪

芝亭永言

古詩四言

環洲詩爲蔡夫辟作

溪有清流環我中洲襯華鮮明芳草和柔詠有文若鳴有雎鳩采采宋遊女侃侃良疇載冰載游在我中沚遡遡無端沿沿無止旣采蘋藻亦有蘭芷觀彼嘉魚一日千里彼畎彼畝皆爲方田分合雍丘我流璧旋星迴于天雲媚于川君子樂豈眉壽永年言命輕舟言載百壺駕我乘黃履我雙冕汎汎彭蠡至于匡廬詠歌以歸清風載途

冰雪相看亭

趙君有道之先故宋南渡時自東都徙分宜二百年于茲矣其大父登進士第仕至文林郎湖北憲司幹辦公事其父兩舉江西轉運司進士覃恩受官宋亡不復仕城東故地美竹萬箇作亭其間而隱焉名之曰冰雪相看信國公之子平遠宣慰之所題也有道信厚敦原衣冠容氣翩翩然有王孫公子之遺風敏稼穡以服徵賦

謹詩禮以保族姓無外驚無妄求弗變其父之志以老其身以長其子孫是以士君子稱焉夫元亨利貞之爲德猶春夏秋冬以爲時也君子觀乎運序以自處則合於時措之宜而不過焉方其以振振麟趾之賢處富貴之極則大亨春夏之時也自其來南族蕃以久非秋之利乎其在有道爲冬之貞無疑矣冰至堅而不折雪至潔而不汙凜然相看不接於他物誠得處貞之道也予聞而善之故爲之賦詩焉

挺挺直筠琴岡之陰豈無春陽匪今斯今高宜於天下蟠地深不易其節侃侃素心豈無膚敏白駒驥驥我獨芳樂樂乎幽林堅冰在湍積雪在岑獨往不迴悠然行吟天寒紫芝園綺是尋還求陶生撫我素琴邈乎古人副我夙欽

竹林七賢圖

瞻彼脩竹下臨清流文石偃隄華松蔭丘植表界壤翦茅宅幽梁度高巘臺隱中洲方床讀書與宮同休詠歌相聞觴豆相求或時名藥或釣游脩課藝嘉植坐思遠游濯纓微波看雲良疇逸而不放儼而自脩泰哉沮溺邈乎巢由按固以觀求宜春秋馳若五君遺其故儕糟粕塵世高踪莊周我懷古人遯而違憂安得揮弦以招湛浮

竹溪六逸圖

悠悠逝川矯矯逸民携書相從敷席水濱支頤負暄揮羽却塵蹕步遠道隱几重茵幽響中發虛觴載陳投我嘉賓含和茹醇優哉悠哉及茲良辰山有鳴鳥郊有游麟濟濟以寧我懷古人

古詩五言

題汪華玉所藏蘭亭圖

衡茅負晴旭有客至我門共披會稽圖山木盛纊紛衆賢坐
水吹飛觴況沄沄夷曠各有趣高閒知右軍幽情付後覽陳
迹感前欣悠悠千載來不異更旦昏探究問神禹望海悲秦
君逝者皆如斯死生固奚云所以鼓瑟人思從童冠羣春服
沂新浴歸歟聊永言撫卷不知老遐思在茲文東南極積水
日暮多浮雲

寄題曹元賓尚書臨流圖王繼學叅政畫

昔聞適炎服中道臨清漪濁瀉荒日悠悠動寒颺來者何
滔滔逝者不可追聖有川上歎晝夜固如斯解纓手自濯浩
蕩忘險夷高人今摩詰萬里同襟期抽豪寫幽思滯雨更題
詩三年反田里春河繹冰斷舟楫繫野樹灌沐晞晨曦上堂
喜懼集艱辛謝親慈入室換野服登山采靈芝庶以求年壽
豈惟療朝飢開囊見舊物感慨深係之歲晚金石友看雲立

多時憐我不共音寄言令我知來鴻春苦早去燕秋易衰道
遠不相覩加餐慰遐思

玉隆留題

仙真治茲山重阜隱延廣冲奧元氣會運至法靈響與世作
司命神宇廓弘敞及門春雨來玄感副夙仰摩筆晉時樹託
身何蕭爽千載抱微息日月共來往欲爲黃髮期日待紫芝
長上天垂光彩月出江海上故人不可待惆悵理歸鞅

黃堂留題

雲館息塵鞅夜間春雨聲溪水傍階長仙茅新綠生曉氣動
原野曠分見夷平神真昔叅合觀泉宅幽貞儼然師弟子歲
纓矯首望遠海駕言羽翰成神仙在平地崎嶇愧凡情太乙
有移召中洲良可營

記夢

夢行衡廬間千仞過蒼壁崇高仰神明深廣下不測雲雨蓄盤礴時至如欲出網縕尚回旋揮霍忽奔逸物在匿岩穴懼若俟霹靂黑波汎高樹木葉走崩石升身登玄間縱觀龍變跡俯視九州野草木有輝澤乃在風雨外手畫素三尺揮豪極動湯落墨更沉鬱圖成示坐人共咷不可得顧瞻以踟躕恍惚增歎息因之命舟輿出門聊有適大術何舒舒白鶴從數客畧經幽澗濱便上青松側憑高望遠水雙景蕩虛碧拂石共客坐芳草藉凭膝忽然聞鐘聲睡覺北窓席

次韻陳溪山櫻復

頗憶蜀井西櫻櫛每易討披心割魚子東皮充彗掃淛工巧紉復文織象花草輕鬆隔沮洳緩步得堅好長跪獻圯下會期後三早知君貴賤履陟降恒有道憐我涉世深垂誠不待

造競競歷淵冰縮縮奉師保時行不違矩庶慊歲年老

其二

解烏還上方歸山據枯槁禁足結僧夏陳編謝探討隱几或過晝凝塵遂忘掃行庭不見人誰或踐生草寔由筋力衰無復馳走好前年當此時嚴召出城早追度龍門水賜見沙領道鼎湖忽踰年始克罷憊造感君素履詠幽貞可長保審審茹芝人長歌豈知老

其三

六月乃屢雨良田不憂槁獨念桂林戍觸熱赴南討道路備攘掠所過淨於掃縛人役送軍吏卒何草草縛亦人類義利啓戎好尋原可制亂機要貴及早夜來送者還頗言賜橫道諸軍四面集同月約皆造誰爲飢渴謀性命安可保藜藿雖滿槃對之令人老

浮丘公吟寄赤城陳道士入山有遇爲溪山壽

浮丘生上古形神蓋不泯說詩秦漢間安知非斯人出俗苦淺迫無能信直淳雨雲不待族飛光越巔塵寰知有道者于歲一息勻金精歷可鍊色重無磨磷蒼蒼紫玄峰只尺天此辰神明寂已定尊高此依因握機票元化同流溥無垠所以赤城子從師踐荆榛三周日却中志確神乃親廬間玉雪相旭陽射光新稽首受餘啜骨換非昔民不遠恒在茲睠然願知津先生旦有聞爲恭若逡巡賤子請執御端輶駕飛麟

爲燮理並化題陳立所作龍眠山圖

燮侯起高科得邑舒水上民淳事稀簡田野甚夷曠戰爭遺跡泯山水良足賞幽棲南昌尉英奕赤壁將古仙家白雲美入化黃壤岩崿龍眠山一士獨可尚高懷托千載妙畫極羣向來讀書處春雨草木長夷遊昔賢遠瑤席共來享彈琴

坐終日微泉散清響來者安可期徘徊以怊悵盡圖記彷彿聊以慰遐想

和陳溪山韻

幽人慎素履古道思獨往暝日登高臺浮雲不足上丹砂煉仙骨沉潛濯神爽遠懷登江靜耿若孤月朗河漢自傾注山川邈游想歛迹倦飛翼歸耕故時壤好風從東來空谷感遺響詔書薦遺逸郡府屬高仰聊持東湖水往助敬亭賞

和陳溪山送蘭花韻

幽林有藪蘭青青秋不衰憐彼采藥人不識敷榮時涼風動綠葉清露生華滋出傳神農經圖書竟空披深根寄連茹藉以瓊瑰詞同心求爲好豈但服食宜先民昔有言所貴希見知舊聞絕行仙挽有童孺姿南陽有黃華西山多紫芝度世未聞道咀嚼空莖枝湛一保冲炁執御正不奇靈苗無助長

無爲以熙怡始信斷金利終古真不移千載同一息敢忘若

子期

送空空印公還徑山

東出楞伽室西望香爐峰曲折披騎繫蕭條倚枯筇
燭共過夜曝日忽經冬天山斷緣想海國識行蹤忘言及生滅抽
簡托疎慵追憶塔中相表茲雲際封螭父謝五鳳求護煩雙
龍

題張觀海所携虛舟竹所一毛圖

虛舟倚亭臯脩竹相因依水木有清華魚鳥淡忘歸鬱群晚
色靜鶴羽傍林暉似是鑑湖曲幽柄掛朝衣古道日已遠昔
人相見稀蒼蒼寫雲霧蓬壺是耶非

送龍翔高獨峰上人還金陵

承詔寫宮榜馳使出丹闕黃金射江海光景依日月跡來垂

十載感遇嗟白髮神靈在雲漢畎畝慨明發祇園何潭潭風
志返超忽幽士住精舍諸妄久息歌浩劫鑑止水高峰獨首
峯觀察勝願力知我心兀兀清風不可執振錫出林樾

送海東鋗上人十首用堅云霞出海署梅韻

積水衆鷗滅春空靄餘雲掩室坐脩竹天花散繢紛上人東
海客來去何見聞飛錫還日下珠宮浪沄沄

日色出海水千波散明霞一杯承足來九載不爲賒要觀香
爐峰折蘆長風沙微吟動林響蒼龍送浮槎

我昔參秦霞東望候日出于從日下來海水中蕩潏坐受龍
女珠簾垂夜光室持還定何有長空斷鴈一
爲法不辭遠遨遊歷年載衣中得故珠終夜動光彩還持一
支葦歸泛萬里海駕言乘桴行沙際如可待
旨蓄崇虛豆生芻蕘長冰署無堪餉遠客乘下若爲往行囊掛

瑩壁破榻夜風雨神光發慧劍耿射東海曙

燕坐共禪月行吟向孤梅有懷匡廬山老人

安

崔嵬洗鉢三

峽水振木東林臺乘槎動歸思欲去更徘徊

山居如老禪坐致不請友何方簷下雲識我門前柳翠竹不

碍山黃花紛在手未覽酬對難離妄亦無取

老胡昔東游勝士乃西度到岸無彼此不憚費筏屢要之心

本空一了不移步龍宮解相迎黃金已先布

百鍊成利器千金來海邦清霜凝秋水國士歎無雙持正行

止觀覓心要律儀檢凡身密言轉相付海利幾秋春奇哉善

根熟一徹無逡巡子來得何法歸報日邊人

楚石珍藏主自蔣山歸却欲就叢林閑藏同舟清

江之上賦此贈之

手携北山雲却上西江水月明洲渚生葉落風不起虛舟不
移棹寒波釣金鯉銀河轉碧落北斗去天咫龍吟匣中劍虎
躍弦上矢殺機誰敢當吹毛豈輕試貝葉啓千函不褐脫雙
履惟應勝壁觀悠然度年歲

題東郊山房

秀挺東郊山雲氣常覆之林立翳幽潛流泉發芳滋盤桓在
中谷良疇漾清陂開堂直岡景長年誦書詩孝友夙所敦求
道遠有師雅志尚端索凡近諒難知康樂昔賜猿詠歌足遐
思啓書訪前聞往跡無所遺瞻彼南澗松深根連喬枝亭亭
植高節鬱鬱含令姿衆木不同泯悠哉副深期

題蒙庵爲黃石谷賦

東南有高丘下臨萬家邑汪洋浹春潤沃衍盛秋入群山若
浪波起伏翠重襲靈運好竒險高平罕相及幽人園綺間周

覽度原隰隨山導清泉積石拾層級結庵以蒙名果行信所
執良時一來游朔月九交十門當星斗高隴卧風雨濕一川
燈火歸賓從雜車笠登高愧能賦騰身竦山立

爲黃氏賦大雅詩

岐山鬱嵯峨鳴鳥昔有聞周公盛制作經綸以弥文朝事接
燕饗勸勞兼賓軍肅雖述盛德工歌贊前勳流湯棄濮靡何
由返咸雲陳肆輒有見吳季真不群公子有古絃歷然宮徵
分大雅忽有作青春日方殷高堂以居之樂康永欣欣

己卯十月廿二日從宜春郡模嚴伯威觀南軒新
閣登舟有賦却寄同游者劉粹中贍良

茲郡多美泉小大各有神深潤浹溫厚草木何光新披圖閱
名世顧皆仙佛人退儉寡外驚懷哉此良民退之文既遠泰
伯學未醇昔我朱與張遺言存縉紳東湖有新閣下臨南澗

濱周眺忽已晚皎然仰空旻虹梁亘溪流落日車馬塵曾丘
間叢祠鍾鼓嚴昏晨江潭嘆搖落名邦感宜春爲治古有道
川原隨所因華構相爲雄大雅竟誰陳移舟古峽口西望蒼
嶙峋浩蕩無與語逝波絕垂綸

秋堂

秋堂者臨川吳生文明之親舍也生才甚清美賦詩婉
麗無塵滓之汨觀其同門未之及也昔胡邦衡以詩人
薦朱文公大儒豈以玩物以成名哉性情之正冲和之
至矣發諸詠歌自非衆人之所能而士大夫各以其見見
之耳生未可自喜自畫也是以爲賦秋堂詩云

閭巷多聳塵秋堂獨高深有子能讀書幽懷發微吟天高風
露下澗泉落危岑神仙絕飲食穢濁無留沉所以聽夜誦共
愛風蒲林神清易以哀情長恐成淫大冶昔有作九牧歸吉

金鑿樞下五石工成振鴻音宣風萬物暢神祇肅有臨鳳鳥
鳴岐山人文示來今候亟入床下嗟哉苦勞心

清風拂高堂舊席忽已除下堂具甘旨上堂列琴書垂紳夙
夜至再拜問起居誦詩已三百習禮少壯餘納交君子室孰
御長者車爲樂古之道誰能咲其迂

題雪泉齋

長河汎凝含微泉自溫活蛟龍依以生抱困待春發南雪不
到地流泉常在山飛英散絕澗流澌響潺湲融結各有方不
息在無二觀茲保深長乃得養生理灌草廬寒冽春陽向熙
怡君子遠莫致永言以相貽

平江開元雪臘光禪師訪予臨川山中其歸也予
與賓客用一雨六月涼中宵大江滿分韻送之不足予爲繼之而予分得一字

積雪何處高蜀山家齒峩海東極孤絕目送斷鴻一徘徊杪
櫂樹宴坐但空室園果墮宿雨當晝從定出八月露水繁石
鉢滿華蜜相會豈無因分床使深密

賦彭氏靜深堂

君子憺無欲淵然事幽潛真居觀物初天機引休恬寂寂象
愚朴容容無斃斃群動不知止謀思墮釣箱反息不及踵乘
舟膠漸漸豈知本湛一不與利欲兼圖書發聖緼受命字不
占戒慎保靈秀先幾發微纖進善取損益閑存日惟嚴浩浩
厚有積悠悠浸何淹盈科以時行小人慙屬饜虛堂積雨霏
光風草侵簾空洞溥龍澤止水澄秋蟾善學在年富勇哉副
遐瞻

秋山行旅圖

春夏農務急新涼事征游飯餉既盈橐治絲亦催裘升高踐

白石降觀索輕舟試問將何之結客趨神州珠光照射乘寶
劍珊瑚釣乘馬垂首看縱目上高丘策名羽林郎談笑覓封
侯大行何崔嵬日暮摧回輶古木多悲風長途使人愁羸驥
見木末足倦霜雪稠谷口何人耕禾麻正盈疇出門不及里
酒饌相綢繆壯者酣以歌期頤醉而休安知萬里事有此千
歲憂

爲題馬竹所九歌圖

屈子久去國行吟山澤秋思君不復見婆娑感巫謳仰瞻貴
神遠俯慨深篁幽衝波起浩蕩玄雲黯綢繆初陽翳扶桑莽
蒼蕪海漚渺君夫人遺玦在中洲壽夭乘陰陽孰知制命
由慨然長太息悲歌寫離憂想象以惝恍開卷令人愁

清明山房詩爲危太朴作

矯首望太清正色蒼以玄皦皦何歷歷日星高轉旋游塵雜

氣氣起滅尋丈間容光見擾擾孰與爲控搏所以學仙者凌
空怡妙顏質化入常寂凝暉托空山據會觀往來生死何足
患妙哉太朴子難爲世言

次韻太朴良友對何仙舟讀書山中見懷之作
得謝荷休澤消搖在巖阿結廬庇風雨樊圃塞藤蘿塞坐古
人書日夕猶詠歌追念少壯日玩愒亦已多競競事補塞奈
此遲暮何美人百里方邈若隔山河興懷貽好音繙籍三春
花報言慎芳歲卷石崇巍峩

道園學古錄卷之二十八

歸田藁二

雍虞集

伯生

芝亭永言

古詩七言

江樓看劍歌書趙子昂劍銘後

豫章高秋宴高閣乃出此劍相娛樂當時冶鑄絕精英土蝕
沙沉更銷鏽遺質所存如冷電江光不興晝光却神光內闊
氣逾深識察誰能動冥漠等閒千年不一試壯士酣歌謾揮
霍嗟予衰朽空消顛空對涼風起天末或言江中有蛟孽當
煩仙人下寥廓吾故臨風拂其鐸俾伏崖陰無敢作

劉忠肅公之四世孫中書舍人諱震孫之曾孫益

之題其居曰雲松巢予家與劉氏累世之契故爲
書忠肅公文集之首詩三篇并賦此詩與之

丞相昔遊泰山頂天風浩浩春晝永王衡微茫不可求但覺
靈霞孰丹鼎白日人間如水流前代衣冠成古丘悠然憂患
何足計直道千年橫素秋徂深之松數千尺東連海上莫烟
碧中書偉人如玉立每向南風望東北濁出公子何翩翩却
憶匡廬還謫仙夫容出水耀初日五色光新天為妍我今僑
居廬阜側西視峩眉歸未得豈無雲錦晚相娛月落終懷雪
山白森森喬木魯東家河間禮樂更光華勿忘先世舊遊覲
吾林爾馬膏其車

吳興趙子昂十馬圖

昔在秘閣見十馬云是韋偃之所畫此圖位置畧相似心神
偶同豈臨寫馬種本自渥洼來灌濯清泉更瀟洒常恐一日
風雨至蹙蹙踏波濤遂神化豪雄意氣全豈無未見深沉如此
者君看最後臨岸驥自是真龍無世價

畫馬

百年升平却走馬立仗天闊常見畫蕭何難頭八十翁却寫
西來大宛者高蹄如鐵項如鈎風鬣蕭蕭苜宿炊常見貢來
騎不得長嘶要蹴崑崙丘

題畫

連昌宮裏古墻陰積雨過春黃竹深老樹無枝交屈鐵立石
有書名錯金吮豪地上寫幽鳥承恩春日風光好當時執戟
今白頭却對蕭森倚秋昊

空山歌

高空之山龜公宅稚川作圖繪數尺秋天薄雲千仞表春雨
喬林百年物憶昔侍郎鎮成都將佐盈庭賓客趨錦官城外
笳鼓發駟馬橋邊高蓋車先廬舊在小東郭丞相祠堂同寂
寔嚴公同訪杜陵家退之亦到淮西憮我胥羞我久不歸江

水娛人秋日暉坐蕩蕩乘變乘海自古南城天下稀公子親
仰陳氏館我初至撫猶弱冠者君揮翰甚風流豈想重逢鬢
毛換君言中間一再來數見先公胸次開鶯花風雨必求友
水竹園林持酒盃嗟予晚歲始能退寧有文章驚海內平生
不受簡書畏故家高致君應象圖中山色積翠濃雖欲舍手
將焉從蜀人相如家能賦行倚山木歌高空

爲愛之圃題鼇溪春曉圖

夫容山陽萬家邑石嶺戴轍繁紆入溪水西行夜雨深連材
乘柘春雲縹昔因荒迥少官府日暮狐兔作人立自從置縣
二百年稍有衣冠更俗今日讀書進士比舍聞潤屋黃金亦家
給山中白日岸雲多負乘因仍足車笠愛俟出霄國動舊射
策君門耻公襲朱衣作監列星宿遠人岸意高軒及援琴不
鼓書牒稀彈詠無魚賓客集綉衣使者停車見黃堂大夫下

床揖登高望遠送飛鳴暨織駕度原隰人言桐鄉人愛我
我愛桐鄉重於懷畫圖千疊山木稠爰含蓄條莫忘貧

題馬竹所畫

霜清木落江海空一棹歸來何處翁雙松千歲如鐵石爲爾
圓薄旋天風憶昔神龍劍所化夕回滄波弄明月望中冉冉
雲氣生直接銀河上瓊闕

霍元鎮規模董北苑米南宮父子寫山水雲物殊
有標致見示春江捕魚圖遂賦此

春江聚網萬魚急漁人相譁魚相泣負薪深山何處樵利害
相乘不相及海鷗冥冥秋影微黃葉江南一棹歸人間得失
兩無迹不廢山水全清暉

南岡

華蓋二峰立天表山北山南青未了曾若兩雲出太虛幾佚

餘霞散飛鳥岡頭春歸露未晞梧桐鳳皇相因依卧龍之縣
思外氏悵望輝光生翠微

題何大夫畫馬

國朝畫手何大夫親臨伯時閱馬圖伯時絕憶鐵面詔故筆
驛騎懷此都此都大夫八九千馬萬馬在胸臆偶然戲鼠
落江南捲束上箱謝槽櫈

同開先南楚悅禪師觀息不書竹卷於崇仁孟安
寺煜公之俾室蓋煜之師一初本八所藏也因記
延祐甲寅息齊奉

詔寫嘉熙殿壁南楚與之同寓度壽寺同予時爲
太常博士俯仰之間已爲陳迹乃題其後云

嘉熙殿裏春日長集賢奉詔寫簷簷迩來二十有五載飄零
殘墨到江鄉王廬高人昔同住每見揮毫鳳鸞翥羽拈石爛

是何年脩竹森森長春雨

題村田樂圖

尺素自是高唐物瑩如秋水宜設色何人畫此畎畝間二三
老人若相識茅屋蕭條古樹下農務未殷牛在野或怜鶴鵠
脫籠熟或弄獮猴唉真儕老翁政自如兒嬉高髻襁負相扶
持古時粉社祀田祖移饌高亭隨所宜抱甕初來未貯酒亦
有生鶩宛延首村優競撻樂真至犬怪雞驚鳴拍手拄杖出
門欣見賓雜華滿庭生好春歲時無事得如此擊壤何必非
堯民騎驢過橋殊瞿鑠携具荒陂來赴約定知張果千歲人
游戲人間共盃酌

柳塘野鷗

江南水退秋光淺風柳參差萬絲捲鶯鶯在梁身在渚蕩蕩
扁舟去家遠千艘轉海古長策白粲連江動秋色断蒲折葦

盤車圖

大車轔轔牛駕輶西望大行牽牛尺往時飛挽實長安百兩
仰關過阡陌亂流十里九屈曲水濺車箱沙沒轂則和後應
日云暮王事有程車下宿旂旐央央昔臨洛東南會期出方
獄侯伯有位賦有差載幣瞻迎來若若君不見海艘百萬乘
天風京坻連雲多腐紅天子視朝大明宮千乘萬騎來何雄

贈羽士費無隱

東望雲林三十六聞有仙人結茅屋清露零零采紫芝白雪
深深斬黃獨國初山下苦流離義士傾家救世危百年孫子
俱華髮誰解燈前說舊時聖恩深重絕征戰猶慮寒溫資瞑
眩身着黃冠寫古方薄素細書三十卷相從寂寞久者誰禹
穴山頭一布衣鬢如鴉羽顏如雪跳出壺中夜不歸市人扣
門呼不應光影俱消聲色泯但言解隱不言無不道本無何

所隱我欲作丹須水金人間無藥不堪尋青霞如練遙相覓
華蓋衝天丈室深

題漁村圖

黃葉江南何處村漁翁三兩坐槐根隔溪相就一烟棹老嫗
具炊雙瓦盆霜前漁官未踏罇蟹中抱黃鯉肪白已烹其瓠
當晨粲更擷寒蔬共椎席垂竿何人無意來晚風落葉何茫茫
總了無得失動微念況有興亡生遠哀憶昔采芝有園綺猶
被留侯迫之起莫將名姓落人間隨此橫圖卷秋水

題韓幹畫馬

韓生觀馬十二闋時謁一二傳人間坡翁嘗來伯時宅見此
遺迹開裴顏前行如雲塵不動後者追風絕飛鞚昔人能事
已可能始覺賞識非虛調昔觀秘府韓絕少得見龍眼已驚
倒使人讀詩如見畫人中豈復生坡老五雲之中天上奇代

座名駒天子騎神明尚令後古見莫歎韓生非畫師

題黃都事仲綱山居溪閣圖二首

出山作官十載餘聊托筆墨懷幽居連雲一一列眉黛細雨
往往逢樵漁隣家父老每載酒隔屋弟兄皆讀書我父居山
不待畫獨念稚子扶犁鉏

閣前流水秋愈深故人東來還見尋方舟直過彭蠡澤把釣
坐對香爐岑岑草烟樹差可辨江上鄉閑誰與吟我欲芳蘭
寄遠者日暮天際多輕陰

題秦虢二夫人承召遊華清宮圖

貴人並輕如輕鴟承恩馳入華清宮道途先不止行客策蹇
奔趨烏帽風奚囊隨地何足拾豈有篇章琅琊及畫史當時
妙墨傳光彩流動狂情急君不見白頭拾遺徒步歸明眸皓
齒事皆非朝廷天渥滑袖封事高閣兩餘宮漏稀

方壺畫山水歌

方壺之山在海中世人欲見知無從壺中仙人閔昏濁綠筆
手開三五峰亭亭兩箇老松樹萬壑千崖閱今古憶昔長從
王子喬坐聽秋風最高處世人畫山非不多不識真山奈若
何君看昆侖上丹穴芝泉玉樹森婆娑東望方壺應不遠飛
度九州如過電便從海上問金公莫待浮杯水清淺

示因

憶我登歲離親側足自跋踐心惻惻中年祿廩不及養人羨
清華已驚惕歸來老病五年餘閥子謀食躬犁鉏逢高羅生
果蓏異蛛網微細仍繁紜星河江上喜非遠況與良朋適我
願故人念我一相見暑中尚慎施樓轉

律詩五言

玉隆宮所藏宋乾道宸翰墨二字

昔者雲歸壑天章自九重日華常映鳳山氣盡成龍俯仰遺
陳迹高深儼德容飄然化春雨結想在高松

寄忽承旨

投老清江外依山結數椽扶藜循水竹把筆賦雲烟歲熟無
憂食秋清不礙眠故人相望遠北極在天邊

寄三衢守馬九臯

聞道三衢守年豐郡事稀詩成花覆帽酒列錦成圍鶴髮明
春雪貂裘對夕暉扁舟應載客閒聽洞簫歸

題朱澤民山水

積雪山陰道嵯峨筆底生雲門見童子禹穴闕蛟精高卧人
何在幽情幾詠成杜陵空想象晚飯施樓晴

寄題汪道士草亭

飛白妙娉婷新題照草亭仙遺相鶴法客借換鵞絰霧雨歸

縣黍風雲護伏令遙知春晝永深坐養黃庭

黃敬延送竹本

分得瀟湘玉森森忽滿林香爐來曉色石盤借清陰好共芝
蘭長毋令草蔓侵清風月如晝光仍要長吟

聞鴈

樓近煖雲濕夜深歸鴈低聲音燈外盡羽翮月邊迷冉冉白
榆上悠悠黃竹西應蓬穆王駿春草一長嘶

錢舜舉畫

一樹花如雪清明客未歸坐看黃鳥並夢作綵雲飛翠袖寒
猶薄羊車渴絕梯相如能作賦月下卷春衣

山水圖

泛舟乘落浦望見香爐峯野水常歌樹山雲不礙鍾桃源携
客覓松徑與僧逢爲託荆闌輩添予九節筇

丹霞觀黃知微留別

寓館隔溪津過從獻市塵振衣清露曉挂笏野亭春歸作芝
田主思存黍谷神松華顚寄取老去欲輕身

題馬竹所畫

老樹依江岸歸舟傍釣竿水花看晚淨風葉識天寒鴈字來
千里魚羹付一餐遠山青可隱目下是長安

題曹驥韜馬

將軍今爲庶畫馬寄高情聚立大風起長嘶沙草生飛揚萬
里意凌亂五星精日暮太行道非心哉長短行

答陳溪山元日即事

積雪埃塵淨光風宇宙新聞來知惜日老去善酬春退密觀
群動憑虛集百神真人起居法無一是達仁

送客北門晨登山木閣

晨登山水閣零雨煖於春溪水解留客梅花偏照人林杳知
酒熟市遠覓民淳此地堪娛老惟愁度水顚

次韻陳溪山

移棹避殘暑開樽就夕陰冥鴻聊自達幽草若爲吟離索連
三月棲遲共寸心遙怜溪上晚扶策獨臨深

又

乘興忽忘遠相思知幾何未便塵事少謾悔世緣多朝食烹
芝菌秋衣製芰荷平生但隨運何地不蹉跎

杏園詩爲黃思順賦

善藥多陰德名花種滿園暄風吹雪盡暑雨綴金繁卧護煩
仙虎分嘗任野援佳兒足文學食實似桃源

寺在撫州城南八十里唐置閩禪師道隱號公翁氏元
和元年二月八日坐化於潭州有靈異州人就肉身裝
塑後現夢撫州太守迎歸建寺至今遺體堅固如初靈
應尤著

高人出世間未忘鄉里思靈骨萬里遷深恩半載遺嘉穀歲
恒登群生無窮此古刹抱經悅高立依母慈寺右有師母墳
名公弟家林即師故俗家崇樸起舊殿新堂納華滋今長老我
雲雷公所建東壁有一古冠謂書詩謂表徵君誠夫清秋

約杖屢千步攀松枝寺後有山名千步

寄題許原夫抗靈樓

浮雲誰能顧塵埃峴有古臺遺碑其湍條予固若星斗其
城居苦迫隘層闈上者堯堯捐身方丈間千里心目超可以抗

龜安可招龐公輶耕際頗懷見凌霄賦詩托飛鳥長空何察

察

贈劉無作

袖中殘卷在動是十年前逝水從前輩傷情有妙年博聞誰
共學孤坐獨求禪莫恨相知晚文章倘爲傳

又贈劉無作

一家俱學佛之子更劬書諸老交游偏真乘究竟餘治生惟
淨業志養足嘉跡爲問龐居士成能更父如

道園學古錄卷之二十八

第35486号


平成 3.11.22

聖和短圖 國學大館

928

ト

7



中華

